

四庫全書

集部

欽定四庫全書

御定全唐詩卷二十二

舞曲歌辭

自漢以後樂舞寔盛有雅舞有雜舞雅舞用之郊廟朝饗雜舞用之宴會前世

樂飲酒酣必自起舞漢武帝樂飲長沙定王起舞猶是也自是已後尤重以舞相屬相屬者代起舞猶世飲酒以杯相屬也灌夫起舞以屬田蚡晉謝安舞以屬桓嗣是也

吳俞兒舞歌

陸龜蒙此後竝雜舞歌辭雜舞者公莫巴渝槃舞鞞舞鐸舞拂舞

白紵之類是也始皆出自方俗後寢陳於殿庭雖非正樂亦皆前代舊聲太宗貞觀中始造讌樂其後又分為立坐二部堂下立奏謂之立部伎堂上坐奏謂之坐部伎武后中宗之世大增

造立坐部伎諸舞隨亦寂廢開元中又有涼州
綠腰蘇合香屈柘枝團亂旋回波樂蘭陵王春
鶯轉半社渠借席烏夜啼之屬謂之軟舞大祁
阿連劍器胡旋胡騰阿遼柘枝黃鸞拂蒜大渭
州達摩支之屬謂之健舞文宗時教坊又
進霓裳羽衣舞女三百人凡此皆雜舞也

劍俞

枝月喉擢霜脊北斗離離在寒碧龍魂清虎尾白秋照
海心同一色纁影吒沙干影側神豪髮直四睨之人股
佶栗欲定不定定不得春牘殘兒且止狄胡有膽大如
山怖亦死

矛俞

手盤風頭背分電光戰扇欲刺敲心留半綫纏肩繞脰
襟合眩旋卓植赴列奪避中節前衝函禮穴上指字彗
滅與君一用來有截

弩俞

牛來開弦人為置鏃振機關迸山谷鹿駭澀隼擊遲析
毫中睨洞腋分龜達堅壘殘雄師可以冠猛樂壯曲抑
揚蹈厲有裂犀兕之氣者非公與

東海有勇婦

李白魏犢舞五曲李白作此篇以代關中有賢女

梁山感杞妻慟哭為之傾金石忽暫開都由激深情東

海有勇婦何慙蘇子卿學劍越處子超騰

集作然

若流星

捐軀報夫讐萬死不顧生白刃耀素雪蒼天感精誠十

步兩躩躍三呼一交兵斬首掉國門蹴踏五藏行割此

伉儷憤粲然大義明北海李使君飛章奏天庭舍罪讐

風俗流芳播滄瀛志

集作名

在列女籍竹帛已光榮淳于

免詔獄漢主為緹縈津妾一櫂歌脫父於嚴刑十子若

不肖不如一女英
豫讓斬空衣有心竟無成
要離殺慶忌壯夫素所集作素
輕妻子亦何辜焚之買虛名
豈如東海婦事立獨揚名

章和二年中

李賀
輦舞曲

雲蕭索風拂拂

一作正雲蕭索
田風拂拂

麥芒如簪黍如粟
關中父

老百領襦關東吏人乏
詬租健犢春耕土膏黑
菖蒲叢

叢沿水脈殷勤為我下
田鉏百錢攜賞

集作償

絲桐客遊

春漫光塢花白野林散
香神降席拜神得壽獻
天子七

星貫斷姮娥死

公莫舞歌

李賀
中舞曲

方花古

一作石

礎排九楹刺豹淋血盛銀鬕華

一作軍

筵鼓

吹無桐竹長刀直立割鳴箏橫楣麤錦生紅緯日炙錦
媽王未醉腰下三看寶玦光項莊掉箭攔前起材官小
臣公莫舞座上真人赤龍子芒碭雲瑞抱天回咸陽王
氣清如水鐵樞鐵棣重束關大旗五丈撞雙環漢王今
日須秦印絕臙剗腸臣不論

拂舞辭 李賀

吳娥聲絕天空雲閒
裴回門外滿車馬
亦須生綠苔
尊有烏程酒
勸君千萬壽
全勝漢武錦樓上
曉望晴寒飲花露
東方日不破
天光無老時
丹成作蛇乘白霧
千年重化玉
井龜從蛇作龜
二千載一作玉井吳堤綠草年
年在背有八卦稱神仙
邪鱗頑甲滑腥涎

白鳩辭

李白 鞞鐸中拂四舞梁竝夷則格鐘磬鳩拂和故白擬之為夷則格上白鳩

拂舞辭

金匱要略卷三十二
鏗鳴鐘考朗鼓歌白鳩引拂舞白鳩之白誰與鄰霜衣
雪襟誠可珍含哺七子能平均食不咽性安馴首農政
鳴陽春天子刻玉杖鏤形賜耆人白鷺亦集作白非純
真外潔其色心匪仁闕五德無司晨胡為啄我葭下之
紫鱗鷹鷂鷗鵠貪而好殺鳳皇雖大聖不願以為臣

獨漉篇

李白
拂舞曲

獨漉水中泥水濁不見月不見月尚可水深行人沒越
鳥從南來胡鷹亦北度我欲彎弓向天射惜其中道失

歸路落葉別樹飄零隨風客無所託悲與此同羅帷舒
卷似有人開明月直入無心可猜雄劍挂壁時時龍鳴
不斷犀象繡澀苔生國恥未雪何由成名神鷹夢澤不
顧鴟鵂為君一擊搏鵬集作鵬搏九天

獨漉歌

王建

獨獨漉漉鼠食猫肉烏日中鶴露宿黃河水直人心曲

白紵辭二首

崔國輔
紵吳舞也 白

洛陽梨花落如霰河陽桃葉生復齊坐恐集作惜玉樓春

欲盡紅綿

一作錦

紛絮裛妝啼

董賢女弟在椒風
窈窕繁華貴
後宮璧帶金釭皆翡翠
一朝零落變成空

同前二首

楊衡

玉纓翠珮雜輕羅
香汗微漬朱顏酡
為君起唱白紵歌

清聲裊雲思繁

集作繁思

多凝笳哀琴

一作瑟

時相和金壺半

傾芳夜促梁塵霏
霏暗紅燭令君安坐聽終曲
墜葉飄花難再復

躡珠履步瓊筵輕身起舞紅燭前芳姿豔態妖且妍迴
眸轉袖暗催弦涼風蕭蕭流集作漏水急月華泛豔紅蓮
濕牽帟攬帶翻成泣

同前

李白

揚清歌

一作音

發皓齒北方佳人東鄰子且吟白紵停淥

水長袖拂面為君起寒雲夜卷霜海空胡風吹天飄塞
鴻王顏滿堂樂未終館娃日落歌吹濛

月寒江清夜沈沈美人一笑千黃金垂羅舞榭揚哀音

郢中白雪且莫吟子夜吳歌動君心動君心冀君賞願
作天池雙鴛鴦一朝飛去青雲上

吳刀翦綵

一作綺

縫舞衣明妝麗服奪春輝揚眉轉袖若

雪飛傾城獨立世所稀激楚結風醉忘歸高堂月落燭
已微玉釵挂纓君莫違

白紵歌二首

王建

天河漫漫北斗粲宮中烏啼知夜半新縫白紵舞衣成
來遲邀得吳王迎低鬟轉面掩雙袖玉釵浮動秋風生

酒多夜長夜未曉月明燈光兩相照後庭歌聲更窈窕
館娃宮中春日暮荔枝木瓜花滿樹城頭烏棲休擊鼓
青娥彈瑟白紵舞夜天燿燿不見星宮中火照西江明
美人醉起無次第墮釵遺佩滿中庭此時但願可君意
回晝為宵亦不寐年年奉君君莫棄

同前

張籍

皎皎白紵白且鮮將作春衫

集作衣

稱少年裁縫長短不

能定自持刀尺向姑前復恐蘭膏汙纖指常遣傍人收

墮珥衣裳著時寒食下還把玉鞭鞭白馬

同前 柳宗元

翠帷雙卷出傾城龍劒破匣霜月明朱脣掩抑悄無聲
金簧玉磬宮中生下沈秋水激太清天高地迴凝日晶
羽觴蕩漾何事傾

冬白紵歌

元稹 四時
白紵舞曲

吳宮夜長宮漏款簾幕四垂燈焰暖西施自舞王自管
雪紵翻翻鶴翎散促節牽繁舞腰嬾舞腰嬾王罷飲蓋

覆西施鳳花錦身作匡牀臂為枕朝佩撝撝

集作玉

王晏

寢酒

集作寢

醒閣報門無事子胥死後言為諱近王之臣

諭王意共笑越王窮惴惴夜夜抱冰寒不睡

霓裳辭十首

王建

一曰霓裳羽衣曲羅公遠多祕術嘗與明皇至月宮仙女數

百皆素練霓衣舞於廣庭問其曲曰霓裳羽衣帝曉音律因默記其音調及歸但記其半會西涼府節度楊敬述進婆羅門曲聲調相符遂以月中所聞為散序敬述所進為曲而名霓裳羽衣按王建辭云弟子部中留一色聽風聽水作霓裳劉禹錫詩云三鄉陌上望仙山歸作霓裳羽衣曲然則非月中所聞矣

弟子部中留一色聽風聽水作霓裳散聲未足重來授
直到牀前見上皇

中管五絃初半曲遙教合上隔簾聽一聲聲向天頭落
效得仙人夜唱經

自直梨園得出稀更番上曲不教歸一時跪拜霓裳徹
立地階前賜紫衣

旋翻新譜聲初足除却梨園未教人宣與書家分手寫
中官走馬賜功臣

伴教霓裳有貴妃從初直到曲成時日長耳裏聞聲熟
拍數分毫錯總知

弦索縱縱隔綵雲五更初發一山

一作滿宮

聞武皇自送西

王母新換霓裳月色裙

敕賜宮人澡浴回遙看美女院門開一山星月霓裳動
好字先從殿裏來

傳呼法部按霓裳新得承恩別作行應是

一作日晚

貴妃樓

上看內人昇下綵羅箱

朝元閣上山風

一作風初

起夜聽霓裳玉露寒宮女月中更

替立黃金梯滑竝行難

知向

一作在

華清年月滿山頭山底種長生去時留下霓

裳曲總

一作半

是離宮別館聲

柘枝詞

失換人名曲有商調屈

健舞曲有羽調柘枝輓舞

女童帽施金鈴拊轉有聲其來也於二蓮花中藏花坼而後見對舞相占寶舞中雅妙者也

將軍奉命即須行塞外領彊兵聞道烽煙動腰間寶劍

匣中鳴

同前三首

薛能

同營三十萬震鼓伐西羌
戰血黏秋草征塵攪夕陽
歸來人不識帝里獨戎裝


懸軍征拓羯內地隔蕭關
日色崑崙上風聲朔漠間
何當千萬騎颯颯貳師還

意氣成功日春風起絮天
樓臺新邸第歌舞小嬋娟
急破催搖曳羅衫半脫肩

屈柘詞

溫庭筠

楊柳紫橋綠玫瑰拂地紅繡衫金駉裏花髻玉瓏璁宿
雨香潛潤春流水暗通畫樓初夢斷晴一作曉日照湘風



御定全唐詩卷二十二

欽定四庫全書

集部
御定全唐詩卷二十三
四

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官中書臣高 中

謄錄監生臣施 華

欽定四庫全書

御定全唐詩卷二十三

琴曲歌辭

古琴曲有五曲九引十二操自是已後作者相繼

白雪歌

僧貫休唐書樂志曰白雪周曲也

列鼎佩金章淚眼看風枝却思食藜藿身作屠沽兒負
米無遠近所希升斗歸為人無貴賤莫學雞狗肥斯言
如不忘別更無光輝斯言如或忘即安用人為

湘妃

劉長卿

帝子不可見秋風來暮思嬋娟湘江月千載空蛾眉

同前

李賀

筠竹千年老不死長伴秦

一作神

娥蓋湘水蠻娘吟弄滿

寒空九山靜綠淚花紅離鸞別鳳烟梧中巫雲蜀雨遙相通幽愁秋氣上青楓涼夜波間吟古龍

湘妃怨

孟郊

南巡竟不返帝子

一作二妃

怨逾積萬里喪蛾眉瀟湘水空

碧冥冥荒山下古廟收貞魄喬木深青春清光滿瑤席

寡芳徒有薦靈意殊脈脈玉佩不可親
裴回煙波夕

同前

陳羽

二妃怨處雲沈沈
二妃哭處湘水深
商人酒滴廟前草

蕭颯

集作索

風生斑竹林

湘妃列女操

鮑溶

有虞夫人哭虞後
淑女何事又傷離
竹上淚跡生不盡

寄哀雲和五十絲
雲和經奏鈞天曲
乍聽寶琴遙嗣續

三湘測測流急綠
秋夜露寒蜀帝飛
楓林月斜楚臣宿

更疑川宮日黃昏
閣攜女手殷勤言
環佩玲瓏有無間
終疑既遠雙悄悄
蒼梧舊雲豈難名
老猿心寒不可嘯
目眇眇兮意蹉跎
魂騰騰兮驚秋波
曲一盡兮憶再奏
衆弦不聲且如何

湘夫人 鄒紹先

楓葉下秋渚
二妃愁渡湘
疑山空杳
藹何處望君王
日落水雲裏
油油集作悠悠
心自傷

同前 李頎

九疑日已暮三湘雲復愁
窈窕羅袂色潺湲江水流佳

期來北渚捐袂

集作

在芳洲

同前

郎士元

蛾眉對湘水遙哭蒼梧間

集作

萬乘既已歿孤舟誰忍

還至今楚山上猶有淚痕斑
南有潯陽路渺渺多新愁

昔神降回

集作桂酒神降

時風波

集作

江上秋彩雲忽無處碧

水空安流

南有潯陽路以下集另作一首

霹靂引

沈佺期

歲七月火伏而金生客有鼓瑟於門者奏霹靂之商聲
始戛羽以騏春終扣宮而砰駘電耀耀兮龍躍雷闐闐
兮雨冥氣鳴吟以會雅態歛翕以橫生有如驅千旗制
五兵截荒虺斲長鯨孰與廣陵比意別鶴儔精而已俾
我雄子魄動毅夫髮立懷恩不淺武義雙輯視胡若芥
翦羯如拾豈徒慨慷中筵備羣娛之翕習哉

拘幽操

韓愈 一曰文王哀姜
里文王拘於羑里而作

目揜揜

集作
窈窈

兮其凝其盲耳肅肅兮聽不聞聲朝不日

出今夜不見月與星有知無知今為死為生嗚呼臣罪
當誅今天王聖明

越裳操

韓愈 越裳獻
白雉周公作

雨之施物以孳我何意於彼為自周之先其艱其勤以
有疆宇私我後人我祖在上四方在下厥臨孔威敢戲
以侮孰荒於門孰治於田四海既均越裳是臣

岐山操

韓愈 序云周
公為太王作

我家于豳自我先公伊我承緒

集作序

敢有不同今狄之

人將土我疆民為我戰誰使死傷彼岐有岨我往獨處

人莫

一作莫爾

余追無思我悲

履霜操

韓愈

序云尹吉甫子伯奇無罪為後母讒而見逐自傷作

父兮兒寒母兮兒飢兒罪當咎逐兒何為兒在中野以
宿以處四無人聲誰與兒語兒寒何衣兒飢何食兒行
于野履霜以足母生衆兒有母憐之獨無母憐兒寧不
悲

雉朝飛操

李白 雉朝飛者犢牧子七十無妻
出薪於野見雉雄雌相隨而飛感之

而作

麥隴青青三月時
白雉朝飛挾兩雌
錦衣綺翼何離襪
犢牧采薪感之悲
春天和白日暖啄
食飲泉勇氣滿爭
雄鬪死繡頸斷
雉子班秦急管絃
心傾美酒集作傾
心酒美盡
玉椀枯楊枯楊爾
生萑集作
梯我獨七十而孤
棲彈絃寫
恨意不盡瞑目歸
黃泥

同前

韓愈

雉之飛于朝日羣雌孤雄意氣橫
出當東而西當啄而

飛隨飛隨啄羣雌粥粥嗟我雖人曾不如彼雉雞生身
七十年無一妾與妃

同前

張祐

朝陽隴東泛暖景雙啄雙飛雙顧影朱冠錦襦聊日整
漠漠霧中如衣裝傷心盧女絃七十老翁長獨眠雄飛
在草雌在田衷腸結憤氣呵天聖人在上心不偏翁得
女妻甚可憐

思歸引

張祐 一曰離拘操衛女
於深宮思歸不得而作

重重作閨清旦鐫兩耳深聲長不徹深宮坐愁百年身
一片玉中生憤血焦桐罷彈集作彈罷絲自絕漠漠暗魂愁
夜月故鄉不歸誰共穴石上作蒲蒲九節

猗蘭操

韓愈 一曰幽蘭操
孔子傷不逢時作

蘭之猗猗揚揚其香不采而佩於蘭何傷今天之旋其
曷為然我行四方以日以年雪霜貿貿薺麥之茂子如
不傷我不爾覲薺麥之茂薺麥之有君子之傷君子之
守

幽蘭

崔塗

幽植衆能

集作春風

知貞芳只暗持自無君子佩未是國香

哀白露霑長青春

集作春風

每到遲不知當路草芳馥欲

何為

將歸操

韓愈 一曰聊操孔子之趙聞穀鳴犢作

秋之水兮其色幽幽
我將濟兮不得其由
涉其淺兮石齧我足
乘其深兮龍入我舟
我濟而悔兮將安歸
尤歸乎歸乎無與石
闔兮無應龍求

龜山操

韓愈序云孔子以季桓子受齊女樂諫不從望龜山而作

龜之氣兮不能雲

一作為

雨龜之枿兮不中梁柱龜之大

兮祇以奄魯知將墮兮哀莫余伍周公有鬼兮嗟余歸

輔

殘形操

韓愈序云曾子夢見一狸不見其首作

有獸維狸兮我夢得之其身孔明兮而頭不知吉凶何
為兮覺坐而思巫咸上天兮識者其誰

雙燕離

李白河間新歌

雙燕復雙燕雙飛令人羨玉樓珠閣不獨棲金窗繡戶
長相見柏梁失火去因入吳王宮吳宮又焚蕩離盡巢
亦空憔悴一身在孀雌憶故雄雙飛難再得傷我寸心
中

列女操

孟郊
引楚樊姬作

梧桐相待老鴛鴦會雙死貞婦貴徇夫舍生亦如此波
瀾誓不起妾心井中水

別鵲操

韓愈
一曰別鶴操商陵穆子娶妻五
年無子父母欲其改娶其妻聞之中夜

悲嘯穆子
感之而作

雄鵠銜枝來雌鵠啄泥歸巢成不生子大義當乖離江
漢水之大鵠身鳥之微更無相逢日安集作可集有繞且樹二字
相隨飛

別鶴楊巨源

海鶴一為別高程方杳然影拙江海集作漢路思結瀟湘

天皎然仰白日真姿棲紫煙含情九霄際顧侶五雲前
遐心屬清都淒響激朱絃超搖間雲雨迢遞各山川東

南信多水會合當有年雄集作雌飛戾冥冥此意何由傳

同前 王建

主人一去池水絕池鶴散飛不相別青天漫漫碧海集作

水重知向何山風雪中萬里雖然音影在向心終是死
生同池邊巢破松樹死樹頭年年烏生子

同前 張籍

雙鶴出雲谿分飛各自迷空巢在松杪集作頂折羽落江

泥尋水終不飲蓬林亦未棲別離應易老萬里兩集作雨

淒淒

同前 杜牧

分飛共所從六翮勢摧

集作催

風聲斷碧雲外影孤明月

中青田歸路遠月

集作丹

桂舊巢空矯翼知何處天涯不

可窮

走馬引

李賀 一曰天馬引 樗里牧恭 為父報怨殺人逃入沂澤中作

我有辭鄉劍玉鋒堪截雲襄陽

一作長安

走馬客意氣自生

春朝嫌劍光

集作花

靜暮嫌劍花

集作光

冷能持劍向人不

解持照身

一作解持
照身影

昭君怨

白居易

明妃風貌最娉婷
合在椒房應四星
只得當年備宮掖
何曾專夜奉幃屏
見疎從道迷圖畫
知屈那教配虜庭
自是君恩薄如紙
不須一向恨丹青

同前二首

張祜

萬里邊城遠千山
行路難舉頭惟見月

集作日

何處是長安

漢庭無大議
戎虜幾先和
莫羨傾城色
昭君恨最多

同前 梁氏瓊

自古無

集作有

和親貽災到妾身

胡集作朔

風嘶去馬漢月

弔

集作出

行輪衣薄狼山雪妝成邊塞春回看父母國生

死畢胡塵

明妃怨

楊凌

漢國明妃去不還馬駝絃管向陰山匣中縱有菱花鏡

羞對單于照舊顏

蔡氏五弄

五弄遊春淶水幽居生愁秋思竝宮調蔡邕所作也

遊春曲二首

王涯

萬樹江邊杏新開
一夜風滿園深淺
色照在綠波中
上苑何窮樹花開次第
新香車與絲騎風靜亦生塵

遊春辭二首

王涯

曲江絲柳變煙條
寒骨

集作谷

冰隨暖氣銷
纔見春光生

綺陌已聞清樂動
雲韶

經過柳陌與桃蹊
尋逐風光著處迷
鳥度時時衝絮起
花繁袞袞壓枝低

同前三首

令狐楚

晚遊臨碧殿日上望春亭
芳樹羅仙仗晴山展翠屏
一夜好風吹新花一萬枝
風前調玉管花下簇金羈
閭闔春風起蓬萊雪水消
相將折楊柳爭取最長條

淶水曲

李白

淶水明秋月南湖采白蘋
荷花嬌欲語愁殺蕩舟人

淶水辭

李賀

今宵好風月阿侯在何處
為有傾城色一作翻成足愁

苦東湖采蓮葉南湖拔蒲根

一作折蒲茸

未持寄小姑且持

感愁魂

一作秋風

幽居弄

顧況

苔衣生花露滴月入西林蕩東壁扣商占角兩三聲洞
戶谿窗一冥寂獨去滄洲無四鄰身嬰世網此何身關
情命曲寄惆悵久別江

集作山

南山裏人

秋思二首

李白

春陽如昨日碧樹鳴黃鸝蕪然蕙草暮颯爾涼風吹天

秋木葉下月冷莎雞悲坐愁羣芳歇白露凋華滋

閼氏

集作燕支

黃葉落妾望白

集作自

登臺月出

一作海上

碧雲斷

蟬聲

一作單于

秋色來胡兵沙塞合漢

一作望

使玉關回征客

無歸日空悲蕙草摧

同前二首

鮑溶

胡風吹鴈翼遠別無人鄉君近鴈來處幾回斷君腸昔
奉千日書撫心怨星霜無書又千日世路重茫茫燕國
有佳麗蛾眉富春光自然君歸晚花落君空堂君其若

不然歲晚雙鴛鴦顧兔蝕殘月幽光不如星女兒晚事
夫顏色同秋螢秋日遶馬思武夫不遑寧燕歌易水怨
劍舞蛟龍腥風折連枝樹水翻無蒂萍立身多戶門何
必燕山銘生世不如鳥雙雙比翼翎顧兔蝕殘月以下集另作一首
季秋天地閒一作開萬物生意足我憂長於生安得及草
木試從古人願致酒歌秉燭燕趙皆世人詎能長似玉
俯憐老期近仰視日車速蕭颯御風君魂夢願相逐百
年夜銷半端為垂纓束

同前 司空曙

靜與嬾相偶，年將衰共催。
前途歡不集，往事恨空來。
書

景委紅葉月，華鋪綠苔。
沈思更有結，坐集作坐結玉琴哀。

同前 司空圖

身病時亦危，逢秋多慟哭。
風波一搖蕩，天地幾翻覆。
孤螢出荒池，落葉穿破屋。
勢利長草草，何人訪幽獨。

同前二首 王涯

綢軒涼吹動，輕衣夜聽更。
長玉漏稀，月渡天河光。
轉濕

鵲驚秋樹葉頻飛

宮連太液見蒼波暑氣微清

集作消

秋意多一夜輕風頻

末起露珠翻盡滿池荷

胡笳十八拍

劉商大胡笳十八拍小胡笳十九拍拉蔡琰作

第一拍

漢室將衰兮四夷不賓動干戈兮征戰頻哀哀父母生
育我見離亂兮當此辰紗窗對鏡未經事將謂珠簾能
蔽身一朝虜騎入中國蒼黃處處逢胡人忽將薄命委

鋒鏑可惜紅顏隨虜塵

第二拍

馬上將余向絕域
厭生求死死不得
戎羯腥膻豈是人
豺狼喜怒難姑息
行盡天山足霜霰
風土蕭條近胡國
萬里重陰鳥不飛
寒沙莽莽無南北

第三拍

如羈囚兮在縲紲
憂慮萬端無處說
使余力

集作刀

今翦

余髮食余肉兮飲余血
誠知殺身願如此
以余為妻不

如死早被蛾眉累此身空悲弱質柔如水

第四拍

山川路長誰記得何處天涯是鄉國自從驚怖少精神
不覺風霜損顏色夜中歸夢來又去朦朧豈解傳消息
漫漫胡天叫不聞明明漢月應相識

第五拍

水頭宿兮草頭坐風吹漢地衣裳破羊脂沐髮長不梳
羔子皮裘領仍左狐襟貉袖腥復膾晝披行兮夜披卧

氈帳時移無定居日月長今不可過

第六拍

怪得春光不來久胡中風土無花柳天翻地覆誰得知
如今正南看北斗姓名音信兩不通終日經年常閉口
是非取與在指撝言語傳情不如手

第七拍

男兒婦人帶弓箭塞馬蕃羊卧霜霰寸步東西豈自由
偷生乞死非情願龜茲箏篋愁中聽碎葉琵琶夜深怨

竟夕無雲月上天故鄉應得重相見

第八拍

憶昔私家恣嬌小遠取珍禽學馴擾如今淪棄念故鄉
悔不當初放林表朔風蕭蕭寒日暮星河寥落胡天曉
旦夕思歸不得歸愁心想似籠中鳥

第九拍

當日蘇武單于問道是賓鴻解傳信學他刺血寫得書
書上千重萬重恨髯胡少年能走馬彎弓射飛無遠近

遂令邊鴈轉怕人絕域何由達方寸

第十拍

恨凌辱兮惡腥膻憎胡地兮怨胡天生得胡兒欲棄捐
及生母子情宛然貌殊語異憎還愛心中不覺常相牽
朝朝暮暮在眼前腹生手養寧不憐

第十一拍

日來月往相推遷迢迢星歲欲周天無冬無夏卧霜霰
水凍草枯為一年漢家甲子有正朔絕域三光空自懸

幾回鴻鴈來又去腸斷蟾蜍虧復圓

第十二拍

破瓶落井空永沈故鄉望斷無歸心寧知遠使問姓名
漢語泠泠傳好音夢魂幾度到鄉國覺後翻成哀怨深
如今果是夢中事喜過悲來情不任

第十三拍

童稚牽衣雙在側將來不可留又憶還鄉惜別兩難分
寧棄胡兒歸舊國山川萬里復邊戍背面無由得消息

淚痕滿面對殘陽終日依依向南北

第十四拍

莫以胡兒可羞恥恩情亦各言其子手中十指有長短
截之痛惜皆相似還鄉豈不見親族念此飄零隔生死
南風萬里吹我心心亦隨風渡遼水

第十五拍

歎息襟懷無定分當時怨來歸又恨不知愁怨意若何
似有鋒鋸擾方寸悲歡竝行情未快心意相尤自相問

不緣生得天屬親豈向仇讐結恩信

第十六拍

去時只覺天蒼蒼歸日始知胡地長重陰白日落何處
秋鴈所向應南方平沙四顧自迷惑遠近悠悠隨鴈行
征途未盡馬蹄盡不見行人邊草黃

第十七拍

行盡胡天千萬里惟見黃沙白雲起馬飢跑雪銜草根
人渴敲冰飲流水燕山髣髴辨烽戍鼙鼓如聞漢家壘

努力前程是帝鄉生前免向胡中死

第十八拍

歸來故鄉見親族田園半蕪春草綠明燭重然煨燼灰
寒泉更洗沈泥玉載持巾櫛禮儀集作義好一弄絲桐生
死足出入關山十二年哀情盡在胡笳曲

飛龍引二首

李白

黃帝鑄鼎於荆山鍊丹砂丹砂成黃金騎龍飛上太清
家雲愁海思令人嗟宮中綵女顏如花飄然揮手凌紫

霞從風縱體登鑾車登鑾車侍軒轅遨遊青天中其樂
不可言

鼎湖流水清且閒軒轅去時有弓劍古人傳道留其間
後宮嬋娟多花顏乘鸞飛煙亦不還騎龍攀天造天關
造天關聞天語長雲河車載玉女載玉女過紫皇紫皇
乃賜白兔所擣之藥集有方字後天而老凋三光下視瑤池
見王母蛾眉蕭颯如秋霜

烏夜啼引

張籍何晏繫獄有二烏止於舍上其女曰烏有喜聲父必免遂作此操

秦烏啼啞啞夜啼長安吏人家吏人得罪因在獄傾家
賣產將自贖少婦起聽夜啼烏知是官家有赦書下牀
心喜不重寐未明上堂賀舅姑少婦語啼烏汝啼慎勿
虛借汝庭樹作高巢年年不令傷爾雛

宛轉歌

郎大家宋氏 晉王敬伯遇女郎劉妙容命小婢彈箜篌作宛轉歌凡八曲敬

伯惟憶

二曲

風已清月朗琴復鳴掩抑非千態殷勤是一聲歌宛轉
宛轉和且長願為雙鴻鵠比翼共翱翔

日已暮長簷鳥應度此時望君君不來此時思君君不
顧歌宛轉宛轉那能異棲宿願為形與影出入恒相逐

同前二首

劉方平

星參差

集有明字

月二八燈五枝黃鶴瑤琴將別去芙蓉羽

帳惜空垂歌宛轉宛轉恨無窮願為波與浪俱起碧流
中

曉將近黃姑織女銀河盡九華錦衾無復情千金寶鏡
誰能引歌宛轉宛轉傷別離願作楊與柳同向玉窗垂

宛轉行

張籍

華屋重翠幃綺席雕象牀遠漏微更疎薄衾中夜涼爐

氲

集作氣

暗裊回寒燈背斜光妍姿結宵態寢臂幽夢長

宛轉復宛轉憶憶

集作君

更未央

王敬伯歌

李端

妾本舟中客

集作女

聞君江上琴君初感妾歎

集作意

妾亦

感君心遂出合歡被同為交頸禽傳杯惟畏淺接膝猶

嫌遠侍婢奏箏篴女郎歌宛轉宛轉怨如何中庭霜漸

多霜多葉可惜昨日非今夕徒結萬里

集作重

歡終成一

宵客王敬伯淥水青山從此隔

三峽流泉歌

李季蘭 三峽流泉晉阮咸作

妾家本住巫山雲巫山流水常自聞玉琴彈出轉寒簷
直似當時夢中聽三峽流泉幾千里一時流入深閨裏
巨石奔崖指下生飛波走浪弦中起初疑噴湧含雷風
又似鳴咽流不通回湍曲瀨勢將盡時復滴瀝平沙中
憶昔阮公為此曲能使仲容聽不足一彈既罷復一彈

願似流泉鎮相續

風入松歌

僧皎然 風入
松晉嵇康作

西嶺松聲落日秋
千枝萬葉風颼颼
美人援琴弄成曲
寫得松間聲斷續
聲斷續清我魂流
波壞陵安足論美
人夜坐月明裏
含少商兮照集作清徵
風何淒兮飄颼點
集作攪寒松兮又夜起
夜未央曲何長
金徽更促聲決
決何人此時不得意
意苦弦悲聞客堂

秋風引

劉禹錫

何處秋風至蕭蕭送鴈羣朝來入庭樹孤客最先聞

明月引

盧照鄰

洞庭波起兮鴻鴈翔風瑟瑟兮野蒼蒼浮雲卷靄明月
流光荆南兮趙北碣石兮瀟湘澄清規於萬里照離思
於千行橫桂枝於西第繞菱花於北堂高樓思婦飛蓋
君王文姬絕域侍子他鄉見胡鞍之似練知漢劍之如
霜試登高而極目

集作
騁

莫不變而迴腸

明月歌

閻朝隱

梅花雪白柳葉黃雲霧四起月蒼蒼箭水泠泠刻漏長
揮玉指拂羅裳為君一奏楚明光

綠竹引

宋之問

青溪綠潭潭水側修竹嬋娟同一色徒生仙實鳳不遊
老死空山人詎識妙年秉願逃俗紛歸臥嵩丘弄白雲
含情傲

集有
睨字

慰心目何可一日無此君

山人勸酒

李白

蒼蒼雲松落落綺皓春風爾來為阿誰胡蝶忽然滿芳

草秀眉霜雪顏桃花

一作雪霜
桃花貌

骨青髓綠

一作青
髓綠髮

長美

好稱是秦時避世人勸酒相歡不知老各守免

集作
廩

鹿

志恥隨龍虎爭歟起佐太子漢王

一作
皇

乃復驚顧謂戚

夫人彼翁羽翼成歸來南

一作
商

山下泛若雲無情舉觴

酌巢由洗耳何獨

一作
太

清浩歌望嵩嶽意氣還

一作
遙

相

傾

幽澗泉

李白

拂彼白石彈吾素琴幽澗愀兮流泉深善手明徽高張

清心寂歷似千古松颺颺今萬尋中見愁猿弔影而危
處兮呌秋木而長吟客有哀時失志而聽者淚淋浪以
霑襟乃緝商綴羽潺湲成音吾但寫聲發情於妙指殊
不知此曲之古今幽澗泉鳴深林

龍宮操

顧況大歷壬子癸
丑大水時在滁作

龍宮月明光參差精衛銜石東飛時蛟人織綃采藕絲
翻江倒海傾吳蜀漢女江妃杳相續龍王宮中水不足

飛鳶操

劉禹錫

鳶飛杳杳青雲裏鳶鳴蕭蕭風四起旗尾飄揚勢漸高

箭頭若劃聲相似長空悠悠霄日懸六翮不動凝飛

集作

風煙遊鷲翔鴈出其下慶雲清景相迴旋忽聞飢鳥一

噪聚瞥下雲中爭腐鼠騰音礪吻相喧呼仰天大嚇疑

鴛雛畏人避犬投高處俛啄無聲猶屢顧青鳥自愛玉

山木仙禽徒貴華

山集作

亭露樸檉

棘集作

危巢向暮時毳

毳飽腹蹲枯枝遊童挾彈一麾肘臆碎羽分人不悲天生衆禽各有類威鳳文章在仁義鷹隼儀形螻蟻心雖

能戾天何足貴

昇仙操

李羣玉

羸女去秦宮瓊簫生

集作飛

碧空鳳臺閉煙霧鸞吹飄天

風復聞周太子亦遇浮丘公叢簧發仙弄輕舉紫霞中
濁世不久住清都路何窮一去霄漢上世人那得逢

司馬相如琴歌

張祐

鳳兮鳳兮非無凰山重水闊不可量梧桐結陰在朝陽
濯羽弱水鳴高翔

霍將軍

崔顥

長安甲第高入雲誰家居住霍將軍
日晚朝回擁賓從路傍揖拜何紛紛
莫言炙手手可熱須臾火盡灰亦滅
莫言貧賤即可欺人生富貴自有時
一朝天子賜顏色世上悠悠應一作始自知

琴歌

顧況

琴調秋些胡風遶雪峽泉聲咽佳人愁些

御定全唐詩卷二十三

欽定四庫全書

御定全唐詩卷二十四

雜曲歌辭

詩之流有八名曰行曰引曰歌曰謠曰吟曰詠曰怨曰歡皆六義之餘也至其

協聲律播金石總謂之曲

秦女休行

李白

西門秦氏女秀色如瓊花手揮白楊刀清晝殺讐家羅袖灑赤血英聲

集作氣

凌紫霞直上西山去關吏相邀遮

壻為燕國王身被詔獄加犯刑若履虎不畏落爪牙素

頸未及斷摧眉伏泥沙金雞忽放赦大辟得寬賒何慙
聶政姊萬古共驚嗟

出門行二首

孟郊

長河悠悠去無極百齡同此可歎息秋風白露霑人衣
壯心凋落奪顏色少年出門將訴誰川無梁兮路無岐
一聞陌上苦寒奏使我佇立驚且悲君今得意厭梁肉
豈復念我貧賤時

海風蕭蕭天雨霜窮愁獨坐夜何長驅車舊憶太行險

始知遊子悲故鄉美人相思隔天闕長望雲端不可越
手持琅玕欲有贈愛而不見心斷絕南山峩峩白石爛
碧海之波浩漫漫參辰出沒不相待我欲橫天無羽翰

同前

元稹

兄弟同出門同行不同志悽悽分岐路各各營所為兄
上荆山巔翻石辨虹氣弟沈滄海底偷珠待龍睡出門
不數年同歸亦同遂俱用私所珍升沈自茲異獻珠龍
王宮值龍覓珠次但喜復得珠不求珠所自酬客雙龍

女授客六龍轡遣充行雨神雨澤隨客意零夏鐘鼓繁
榮秋玉帛積彩色畫廊廟奴僮被珠翠驥騄千萬雙鴛

鴛七十二言者禾稼枯

集作未
搖舌

無人敢輕議其兄因獻

璞再刖不履地門戶親戚踈匡牀妻妾棄銘心有所待
視足無所愧持璞自枕頭淚痕雙血漬一朝龍醒寤本
問偷珠事因知行雨偏妻子五刑備仁兄捧屍哭勢友
掉頭諱喪車黔首葬弔客青蠅至楚有望氣人王前忽
長跪賀王得貴寶不遠王所莅求之果如言剖則

集作
出

浮雲

集作
筠

膩白珩無顏色垂棘有瑕累在楚列地封入

趙連城貴秦遣李斯書書為傳國瑞秦亡漢魏傳傳者
得神器卞和名永永與寶不相墜勸爾出門行行難莫
行易得還易失難同亦難離善賈識貪廉良田無植
穉磨劍莫磨錐磨錐成小利

出自薊北門行

李白

虜陣橫北荒胡星曜精芒羽書速驚電烽火晝連光虎
竹救邊急戎車森已行明主不安席按劍心飛揚推轂

出猛將連旗登戰場兵威衝絕幕殺氣凌穹蒼列卒一

一作

陣

赤山下開營紫塞傍途

集作窮

冬沙風

集作風沙

緊旌旗颯

凋傷畫角悲海月征衣卷天霜揮刃斬樓蘭彎弓射賢

王單于一平蕩種落自奔亡收功報天子行歌

一作歌舞歸

咸陽

薊門行五首

高適

邊城十一月雨雪亂霏霏元戎號令嚴人馬亦輕肥羌

胡無盡日征戰幾人歸

幽州多騎射結髮重橫行一朝事將軍出入有聲名紛
紛獵秋草相向角弓鳴

薊門逢古老獨立思氛氲一身既零丁頭鬢白紛紛勲
庸今已矣不識霍將軍

茫茫

集作
黯黯

長城外日沒更煙塵胡騎雖憑陵漢兵不顧

身古樹滿空塞黃雲愁殺人

漢家能用武開拓窮異域戍卒厭糠覈降胡飽衣食開

亭試一望吾欲涕

集作
淚

霑臆

同前

李希仲

旄頭有精芒胡騎獵秋草羽檄南渡河邊庭用兵早漢

家愛征戰宿將今已老辛苦羽林兒從戎榆關道一身

救邊速烽火連

集作通

薊門前軍鳥飛

集作飛鳥

斷格鬪塵沙

昏寒日鼓聲急單于夜火

集作將

奔當須徇忠義身死報

國恩

一身救邊速以下集另作一首

君子有所思行

李白

紫閣連終南青冥天倪色憑崖望咸陽宮闕羅北極萬

井驚畫出九衢如弦直渭水清銀河

集作銀河清

橫天流不

息朝野盛文物衣冠何翕輭廐馬散連山軍容威絕域
伊臯運元化衛霍輸筋力歌鐘樂未休榮去老還逼圓
光過滿缺太陽移中昃不散東海金何爭西輝

集作飛

匿

無作牛山悲惻愴淚霑臆

同前二首

僧貫休

我愛正考甫思賢作商頌我愛揚子雲理亂皆如鳳振
衣中夜起露花香旖旎撲碎驪龍明月珠敲出鳳凰五

色髓陋巷蕭蕭風淅淅緬想斯人勝珪璧寂寥千載不
相逢無限區區盡虛擲君不見沈約道佳人不在茲春
光為誰惜

安得龍猛筆點石為黃金散問一作向酷吏家使無貪殘

心甘棠密葉成翠幄潁鳳不來天地塞所以集作傾國二字

城人如今集有如今二字不可得

傷歌行

張籍
側調曲

黃門詔下促收捕京兆君一作尹繫御史府出門無復部

曲隨親戚相逢不容語辭成謫尉南海州受命不得須
史留身著青衫騎惡馬東門之東集作外無送者郵夫防
吏急喧驅往往驚墮馬蹄下長安里中荒大宅朱門已
除十二戟高堂舞榭鎖管絃美人遙望西南天

同前 孟郊

衆毒蔓貞松一枝難久榮豈知黃庭客仙骨生不成春
色舍芳蕙秋風遶枯莖彈琴不成曲始覺知音傾館月
改舊照弔賓寫餘情還舟空江上波浪送銘旌

同前

莊南傑

兔走烏飛不相見人事依稀速如電
王母天桃一度開
玉樓紅粉千回變車馳馬走咸陽
道石家舊宅空荒草
秋雨無情不惜花芙蓉一一驚香倒
勸君莫謾栽荊棘
秦皇虛費一作負驅山力英風一去更無言
白骨沈埋暮
山碧

悲歌

李白

悲來乎悲來乎主人有酒且莫斟
聽我一曲悲來吟悲

來不吟還不笑天下無人知我心君有數斗酒我有三尺琴琴鳴酒樂兩相得一杯不啻千鈞金悲來乎悲來乎天雖長地雖久金玉滿堂應不守富貴百年能幾何死生一度人皆有孤猿坐啼墳上月且須一盡杯中酒悲來乎悲來乎鳳鳥不至河無圖微子去之箕子奴漢帝不憶李將軍楚王放却屈大夫悲來乎悲來乎秦家李斯早追悔虛名撥向身之外范子何曾愛五湖功成名遂身自退劔是一夫用書能知姓名惠施不肯千萬

乘卜式未必窮一經還須黑頭取方伯莫謾白首為儒
生

悲哉行

孟雲卿

孤兒去慈親遠客喪主人莫吟苦辛曲誰忍聞可聞

集作

此曲誰忍聞

可聞不可說去去無期別行人念前程不待參

辰沒朝亦常苦飢暮亦常苦飢飄飄萬餘里貧賤多是
非少年莫遠遊遠遊多不歸

同前

白居易

悲哉為儒者力學不能

集作知

疲讀書眼欲暗秉筆手生

胝十上方一第成名常苦遲縱有宦達者兩鬢已成絲
可憐少壯日適在窮賤時丈夫老且病焉用富貴為沈
沈朱門宅中有乳臭兒狀貌如婦人光明膏粱肌手不
把書卷身不擐戎衣二十襲封爵門承勲戚資春來日
日出服御何輕肥朝從博徒飲暮有倡樓期評集作平封
還酒債堆金選蛾眉聲色狗馬外其餘一無知山苗與
澗松地勢隨高卑古來無奈何非君獨傷悲

同前 鮑溶

促促晨復昏死生同一源貴年不懼老賤老傷久存朗
朗哭前歌絳旌引幽魂來為千金子去臥百草根黃土
塞生路悲風送回轅金鞍舊良馬四顧不出 集作 門生

結千歲念榮及百代孫 集作榮華及百孫 黃金買性命白刃讐

集作 酬 一言寧知北山上松柏侵田園

妾薄命 崔國輔

雖入秦帝宮不上秦帝牀夜夜玉窗裏與他卷羅衣 集作

裳

同前

武平一

有女妖且麗，裴回湘水湄。
水湄蘭杜芳，采之將寄誰。
瓠犀發皓齒，雙蛾嚙翠眉。
紅臉如開蓮，素膚若凝脂。
綽約多逸態，輕盈不自持。
常矜絕代色，復恃傾城姿。
子夫前入侍，飛燕復當時。
正悅掌中舞，寧哀團扇詩。
洛川昔云遇，高唐今尚違。
幽閭禽雀噪，閒階草露滋。
流景一何速，年華不可追。
解佩安所贈，怨咽空自悲。

同前

李百藥

團扇秋風起長門夜月明羞聞拊背入恨說舞腰輕太

常應

集作先

已醉劉君恒帶醒橫陳每虛設吉夢竟何成

同前

杜審言

草綠長門閉

集作掩

苔青永巷幽寵移新愛奔泣下故情

留啼鳥驚殘夢飛花攪獨愁自憐春色罷團扇復迎秋

同前

劉元淑

自從離別守空閨遙聞征戰起

集作赴

雲梯夜夜愁

集作思

君遼海外

北集作

年年棄妾渭橋西
陽春白日照空暖
紫

燕銜花向庭滿
絲鸞琴裏怨聲多
飛鵲鏡前妝梳斷
誰

家夫壻不從征
應是漁陽別有情
莫道紅顏燕地少
家

家還似洛陽城
且

旦集作

逐新人殊未歸
還令秋至夜霜

飛北斗星前橫
度

旅集作

鴈南樓月下擣
寒衣夜深聞鴈

腸欲絕獨坐縫
衣燈又滅暗啼羅
帳空自憐夢度陽
關

向誰說每憐容
貌宛如神如何薄
命不勝人願君朝
夕

燕山至好作明
年楊柳春

同前 李白

漢帝重

集作寵

阿嬌貯之黃金屋咳唾落九天隨風生珠

玉寵極愛還歇妒深情却疎長門一步地不肯暫回車

雨落不上天水覆難再

一作重難

收君情與妾意各自東西

流昔日芙蓉花今成斷根草以色事他人能得幾時好

同前 孟郊

不惜十指弦為君千萬彈常恐新聲至

一作發

坐使

一作使我

故聲

一作曲

殘棄置今日悲即是昨日歡將新變故易持

故為新難青山有蘼蕪淚葉長不乾空令後代人采掇

幽思攢

一作思幽蘭

同前 張籍

薄命婦良家子無事從軍去萬里漢家天子平四夷護
羌都尉裹屍歸念君此行為死別對君裁縫泉下衣與
君一日為夫婦千年萬歲亦相守君愛龍城征戰功妾
願青樓歡樂同人生各各有所欲詎得將心入君腹

同前三首

李端

憶妾初嫁君花髮如綠雲回燈入綺帳對一作轉面脫羅

裙折步教人學偷香與客熏容顏南國重名字北方聞
一從失恩意轉覺身憔悴對鏡不梳頭倚窗空落淚新
人莫恃新秋至會無春從來閉在長門者必是宮中第
一人

玉壘城邊爭走馬銅蹄集作駝市裏共乘舟鳴環動佩思

無盡掩袖低巾淚不流疇昔將歌邀客醉如今欲舞對
君羞忍懷賤妾平生曲獨上襄陽舊酒樓

自從君棄妾憔悴不差人惟餘壞粉淚未免映衫勻

同前

盧綸

妾年初二八兩度嫁狂夫薄命今猶在堅貞掃地無

同前

盧弼

君恩已斷盡成空追想嬌歡恨莫窮長為薜華光曉日
誰知團扇送秋風黃金買賦心徒切清路飛塵信莫通
閒凭玉欄思舊事幾回春暮泣殘紅

同前

胡曾

阿嬌初失漢皇恩，舊賜羅衣亦罷熏。
欹枕夜悲金屋雨，卷簾朝泣玉樓雲。
宮前葉落鴛鴦瓦，架上塵生翡翠裙。
龍騎不巡時漸久，長門長集作空掩綠苔文。

同前

王貞白

薄命頭欲白，頻年嫁不成。
秦娥未十五，昨夜事公卿。
豈有機杼力，空傳歌舞名。
妾專修婦德，媒氏却相輕。

羽林行

王建

長安惡少出名字，樓下劫商樓上醉。
天明下直明光宮，

散入五陵松柏中
百回殺人身合死
赦書尚有收城功
九衢一日消息定
鄉吏籍中重改姓
出來依舊屬羽林
立在殿前射飛禽

同前

孟郊

朔雪寒斷拍朔風
勁裂冰胡中射鵬者
此日猶不能翩
翩羽林兒錦臂飛
蒼鷹揮鞭決集作快
白馬走出黃河凌

同前

鮑溶

朝出羽林宮
入參雲臺
議獨請萬里行
不奏和親事
君

王重年少深納開邊利寶馬雕玉鞍一朝從萬騎煌煌
都門外祖帳光七貴歌鐘樂行軍雲物慘別地簫笳整
部曲幢蓋動郊次臨風親戚懷滿袖兒女淚行行復何
贈長劒報恩字

白馬篇

李白

龍馬花雪毛金鞍五陵豪秋霜切玉劒落日明珠袍鬪
雞事萬乘軒蓋一何高弓摧宜

集作南

山虎手接泰山猱

酒後競風彩三杯弄寶刀殺人如翦草劇孟同遊遨發

憤去函谷從軍向臨洮叱咤萬戰場

一作經百戰

匈奴盡波

濤

集作奔逃

歸來使酒氣未肯拜蕭曹羞入原憲室荒徑

集作

淫

隱蓬蒿

升天行

僧齊已

身不沈骨不重驅青鸞駕白鳳幢蓋飄飄入冷空天風

瑟瑟星河動瑤闕參差阿母家樓臺戲閉凝彤霞五三

集作三五

仙子乘龍車堂前碾爛蟠桃花回頭却顧蓬山

集作

萊頂一點濃嵐在深井

神仙曲

李賀

碧峰海面藏靈書上帝揀作神仙居晴時

集作清明

笑語聞

空虛闢乘巨浪騎鯨魚春羅翦字邀王母共宴紅樓最深處鶴羽衝風過海遲不如卻使青龍去猶疑王母不相許垂露娃鬟更傳語

北風行

李白

燭龍棲寒門光曜猶旦開日月照之何不及此惟有北風怒號天上來燕山雪花大如席片片吹落軒轅臺幽

州思婦十二月停歌罷笑雙蛾摧倚門望行人念君長

城苦寒良可哀別時提劍救邊去遺此虎文金驛釵

集作

輟

中有一雙白羽箭蜘蛛結網生塵埃箭空在人今戰

死不復迴不忍見此物焚之已成灰黃河捧土尚可塞

北風雨雪恨難裁

一作哉

苦熱行

王維

赤日滿天地火雲成山嶽草木盡焦卷川澤皆竭涸輕
紈覺衣重密樹苦陰薄莞簟不可近絺綌再三濯思出

宇宙外曠然在寥廓長風萬里來江海蕩煩濁却顧身
為患始知心未覺忽入甘露門宛然清涼樂

同前

王穀

祝融南來鞭火龍火旗焰焰燒天紅日輪當午凝不去
萬國如在洪爐中五嶽翠乾雲彩滅陽侯海底愁波竭
何當一夕金風發為我掃却天下熱

同前

僧皎然

六月金數伏茲辰日在庚炎曦曝

集作燥

肌膚毒霧昏檐

楹

集作性情

安得奮翅

集作輕

翮超遙出雲征不知天地心如

何匠生成火德燒百卉瑤草不及榮省客當此時忽貽
懷中瓊捧翫煩袂滌嘯歌美風生遲君佐元氣調使四
序平中令霜不袂火餘氣常貞江南詩騷客休吟苦熱
行

同前

僧齊已

離宮劃開赤帝怒喝起六龍奔日馭下土熬熬若煎煮
蒼生惶惶無處處火雲崢嶸焚沲寥東臯老農腸欲焦

何當一雨蘇我苗為君擊壤歌帝堯

太行苦熱行

劉長卿

迢迢太行路自古稱險惡千騎儼欲前羣峰望如削火

雲從中起

集作出

仰視飛鳥落汗馬臥高原危旌倚長薄

清風何不至赤日方煎爍石露

集作枯

山木焦鱗窮水泉

涸九重今旰食萬里傳明略諸將候軒車元兇愁鼎鑊
何勞短兵接自有長纓縛通越事豈難渡瀘功未博朝
辭羊腸坂夕望貝丘郭漳水斜遶營常山遙入幕永懷

姑蘇下因

集作遙

寄建安作白雪和誠難滄波意空託陳

琳書記好王粲從軍樂早晚歸漢庭隨君

集作公

上麟閣

同前

獨孤及

駟馬上太行修途亘遼碣王程無留駕日昃未遑歇請

問此何時恢台朱明月長蛇稽天討上將方北伐明主

命使臣皇華得時傑已忘羊腸險豈憚溫

集作濕

風入

集作

熱搖策汗滂沱

集作滄

登崖

集作岸

思紆結炎雲如煙火溪

谷將恐竭晝景艱可畏涼飈何由發山長飛鳥墮目極

行車絕趙魏方倣擾安危俟明哲歸路豈不懷飲冰有
苦節會同傳檄至疑議立談決況有阮元瑜翩翩秉書
札起予歌赤坂永好踰白雪誰念剖竹人無因執羈紲

春日行

李白

深宮高樓入紫清金作蛟龍盤繡

一作繡作

楹佳人當窗弄

白日絃將手語彈鳴箏春風吹落君王耳此曲乃是升
天行因出天池汎蓬瀛樓船感沓波浪驚三千雙蛾獻
歌笑撾鐘考鼓宮殿傾萬姓聚舞歌太平我無為人自

寧三十六帝欲相迎仙人飄翩下雲輶帝不去留鎬京
安能為軒轅獨往入窅冥小臣拜獻南山壽陛下萬古

垂鴻名

同前 張籍

春日融融池上暖竹牙出土蘭心短草堂晨起酒半醒
家僮報我園花滿頭上皮冠未曾整直入花間不尋徑
樹樹殷勤盡遶行舉集作攀枝未徧春日暝不用積金著

青天不用服藥求神仙但願園裏花長好一生飲酒花

前老

朗月行

李白

小時不識月呼作白玉盤又疑瑤臺鏡飛在青

集作白

雲

端仙人垂兩足桂樹作團團白兔擣藥成問言與誰餐

蟾蜍蝕園影天明夜已殘羿昔落九烏天人清且安陰

精此淪惑去去不足觀憂來其如何惻

集作悽

愴摧心肝

前有一尊酒行二首

李白

春風東來忽相過金尊綠酒生微波落花紛紛稍覺多

美人欲醉朱顏醜，青軒桃李能幾何？流光欺人忽蹉跎。

君起舞，日西夕。當年意氣不肯傾。

集作平

白髮如絲歎何益。

琴奏龍門之綠桐，玉壺美酒清若空。催絃拂柱與君飲，看朱成碧顏始紅。明姬貌如花，當壚笑春風。笑舞

羅衣君今不醉欲。

集作將

安歸。

緩歌行

李頎

小來託身攀貴遊，傾財破產無所憂。暮擬經過石渠署，朝將出入銅龍樓。結交杜陵輕薄子，謂言可生復可死。

一沈一浮會有時棄我翻然如脫屣男兒立身須自彊

十五閉戶潁水陽業就功成見明主擊鐘鼎食坐華堂

二八蛾眉梳墮馬美酒清歌曲房下文昌宮中賜錦衣

長安陌上退朝歸五侯

集作陵

賓從莫敢視三省官寮揖

者稀早知今日讀書是悔作從來

集作前

任俠非

結客少年場行

虞世南

韓魏多奇節倜儻遺名

集作聲

利共矜然諾心各負縱橫

志結友

集作交

一言重相思

集作期

千里至綠沈明月弦金

絡浮雲轡吹簫入吳市擊筑游燕肆尋源博望侯結客

遠相求少年重

集作懷

一顧長驅背隴頭燄燄霜戈

集作戈霜

動耿耿劒虹浮天山冬夏雪交河南北流雲起龍沙暗

木落鴈行

集作門

秋輕生徇知己非是為身謀

同前

虞羽客

幽并俠少年金絡控連錢竊符方救趙擊筑正懷燕輕

生辭鳳闕揮袂上祁連陸離橫寶劒出沒驚

集作驚

徂旃

蒙輪恒顧敵超乘忽爭先摧枯逾百戰拓地遠三千骨

都魂已散樓蘭首復傳龍城含曉霧瀚海隔

集作接

遙天

歌吹金微返振旅玉門旋烽火今已息非復照甘泉

同前 盧照鄰

長安重遊俠洛陽富才雄玉劍浮雲騎金鞍

集作鞭

明月

弓鬪難過渭北走馬向關東孫賓遙見待郭解暗相通

不受千金爵誰論萬里功將軍下天上虜騎入雲中烽

火夜似月兵氣曉成虹橫行徇知己負羽遠從戎龍旌

昏朔霧鳥陣卷寒風追奔瀚海咽戰罷陰山空歸來謝

天子何如馬上翁

同前 李白

紫燕黃金瞳啾啾

一作稜稜

搖綠鬢平明相馳逐結客洛門

東少年學劍術凌轢白猿公珠袍曳錦帶七首插吳鴻
由來萬夫勇挾此生雄風託交從劇孟買醉入新豐笑
盡一杯酒殺人都市中羞道易水寒從今日貫虹燕丹
事不立虛沒秦帝宮舞陽死灰人安可與成功

同前 沈彬

重義輕生一劍知
白虹貫日報讐歸
片心惆悵清平世
酒市無人問布衣

少年子

李百藥

少年飛翠蓋
上路動

集作勒

金鑣始酌文君酒
新吹弄玉

簫少年不歡樂
何以盡芳朝
千金笑裏面
一搦抱

集作掌

中腰挂冠

集作纓

豈憚宿迎拜

一作落珥

不勝嬌寄語少年子

無辭歸路遥

同前

李白

青雲少年子挾彈章臺左鞍馬四邊開突如流星過金
丸落飛鳥夜入瓊樓臥夷齊是何人獨守西山餓

少年樂

李賀

芳草落花如錦地二十長遊醉鄉裏紅纓不重

集作動

白

馬驕垂柳金絲香拂水吳娥未笑花不開綠鬢聳墮蘭
雲起陸郎倚醉牽羅袂奪得寶釵金翡翠

同前

張祜

二十便封侯名居第一流綠鬢深小院清管下高樓醉

把金船擲閒敲玉鐙遊帶盤紅驄鼠袍研紫犀牛錦袋
歸調箭羅鞋起撥球眼前長貴盛那信世間愁

少年行三首

李白

擊筑飲美酒劒歌易水湄經過燕太子結託并州兒少年

負壯氣奮烈自有時因聲

集作擊

魯句踐爭情

一作博

勿相欺

五陵年少金市東銀鞍白馬度春風落花踏盡遊何處
笑入胡姬酒肆中

君不見淮南少年遊俠客白日球獵夜擁擲呼盧百萬

終不惜報讐千里如咫尺少年遊俠好經過
渾身裝束皆綺羅蘭蕙相隨喧妓女風光去處滿
笙歌驕矜自言不可有俠士堂中養來久好鞍好馬
乞與人十千五千旋沽酒赤心用盡為知己黃金不
惜栽桃李桃李栽來幾度春一回花落一回新府縣
盡為門下客王侯皆是平交人男兒百年且樂命
何須徇書受貧病男兒百年且榮身何須徇節甘風
塵衣冠半是征戰士窮儒浪作林泉民遮莫枝根長
百丈不如當代多還往遮莫姻親

連帝城不如當身自簪纓看取富貴眼前者何用悠悠
身後名

同前四首

王維

新豐美酒斗十千咸陽遊俠多少年相逢意氣為君飲
繫馬高樓垂柳邊

漢家君臣歡宴終高議雲臺論戰功天子臨軒賜侯印
將軍佩出明光宮

出身仕漢羽林郎初隨驃騎戰漁陽孰知不向邊庭苦

縱死猶聞俠骨香

一身能臂

集作
擘

兩雕弧虜騎千羣

集作
重

只似無偏坐金

鞍調白羽紛紛射殺五單于

同前二首

王昌齡

西陵俠年少送客過長亭青槐夾兩路

集作
道

白馬如流

星聞道羽書急單于寇井陘氣高輕赴難誰顧燕山銘

走馬還

集作
遠

相尋西樓下夕陰結交期一劍留意贈千

金高閣歌聲遠重關柳色深夜閒須盡醉莫負百年心

同前

張籍

少年從出獵

集作獵出

長楊禁中新拜羽林郎獨到輦前射

雙虎君王手賜黃金鎗

集作鎗

日日鬪雞都市裏贏得寶

刀重刻字百里報讐夜出城平明還在倡樓醉遙聞虜
到平陵下不待詔書行上馬斬得名王獻桂宮封侯起
第一日中不為六郡良家子百戰始取邊城功

同前三首

李嶷

十八羽林郎戎衣事

集作侍

漢王臂鷹金殿側挾彈玉輿

旁馳道春風起陪遊出建章

侍獵長楊下承恩更射飛塵生馬影滅箭落鴈行稀薄

暮歸隨

集作
隨天

仗聯翩入瑣闥

玉劍膝邊橫金杯馬上傾朝遊茂陵道暮宿鳳凰城豪
吏多猜忌無勞問姓名

同前

劉長卿

射飛誇侍獵行樂愛聯鑣薦枕青娥豔鳴鞭白馬驕曲
房珠翠合深巷管絃調日晚春風裏衣香滿路飄

同前四首

令狐楚

少小邊州慣放狂，驍騎蕃馬射黃羊。
如今年事無筋力，猶倚營門數鴈行。

家本清河住五城，須憑弓箭得功名。
等閒飛鞚秋原上，獨向寒雲試射聲。

弓背霞明劒照霜，秋風走馬出咸陽。
未收天子河湟地，不擬回頭望故鄉。

霜滿中庭月過

集作滿

樓金尊玉柱對清秋，當年稱意須

為樂不到天明未肯休

同前二首

杜牧

官為駿馬監職帥羽林兒
兩綬藏不見落花何處期
獵敲白玉鐙怒袖紫金鉞
田竇長留醉蘇辛曲護

集作讓

岐

豪持出塞節笑別遠山眉
捷報雲臺賀公卿拜壽卮
連環羈玉聲光碎綠錦蔽
泥虬卷高春風細雨走馬去
珠落璫璫白罽袍

同前三首

杜甫

莫笑田家老瓦盆自從盛酒長兒孫
傾銀注玉驚人眼
共醉終同臥竹根

巢燕養雛渾去盡紅花結子已無多
黃衫年少來宜數
不見堂前東逝波

馬上誰家白面一作薄媚郎
臨堦下馬坐人牀
不通姓字麝

豪甚拍點銀瓶索酒嘗

同前 張祐

少年足集作年少好風情垂鞭賣眼集作眈眈行帶金師子小裘

錦騏驎擥選

集作棟

匠裝金

集作銀

鎗推

集作堆

錢買細箏李

陵雖效死時論得虛名

同前

韓翃

千點爛偏噴玉

集作玉勒

驄青絲結尾繡纏髻鳴鞭晚

集作曉

出章臺路葉葉春依

集作衣

楊柳風

同前

施肩吾

醉騎白馬走空衢惡少皆稱電不如五鳳街頭閒勒轡

半垂衫袖揖金吾

同前三首

僧貫休

錦衣鮮華手擎鵲閒行氣貌多輕忽稼穡艱難總不知
五帝三皇是何物

自拳五色球進入他人宅卻捉蒼頭奴玉鞭打一百
面白如削玉猖狂曲江曲馬上黃金鞍適來新賭得

同前

韋莊

五陵豪客多買酒黃金賤醉下酒家樓美人雙翠幃揮
劍邯鄲市走馬梁王苑樂事殊未央年華已云晚

漢宮少年行

李益

君不見上宮警夜營八屯
蓼蓼街鼓朝朱軒
玉階霜仗擁未合
少年排入銅龍門
暗聞絃管九天上
宮漏沈沈清吹繁
纔明走馬絕馳道
呼鷹挾彈通繚垣
玉籠金瑣養黃口
探雛取卵伴王孫
分曹六博快一擲
迎歡先意笑語喧
巧為柔媚學優孟
儒衣嬉戲冠沐猿
晚來香街經柳市
行過倡市宿桃根
相逢杯酒一言失
回朱點白聞至尊
金張許史伺顏色
王侯將相莫敢論
豈知人事

無定勢朝歡暮戚如掌翻椒房寵移子愛奪一夕秋風
生戾園徒用黃金將買賦寧知白玉暗成痕持杯收水
水已覆徙薪避火火更燔欲求四老張丞相南山如天
不可上

長樂少年行

崔國輔

遺卻珊瑚鞭白馬驕不行章臺折楊柳春草

集作日

路旁

情

長安少年行十首

李廓

金紫少年郎繞街鞍馬光身從左中尉官屬右春坊刻
戴揚州帽重熏異國香垂鞭踏青草來去杏園芳

追逐輕薄伴閒遊不著緋長攏出獵馬數換打球衣曉
日尋花去春風帶酒歸青樓無晝夜歌舞歇時稀

日高春睡足帖馬賞年華倒插銀魚袋行隨金犢車還
攜新市酒遠醉曲江花幾度歸侵黑金吾送到家

好勝耽長行天明燭滿樓留人看獨脚賭馬換偏頭樂
奏曾無歇杯巡不暫休時時遙冷笑怪客有春愁

遨遊攜豔妓裝束似男兒杯酒逢花住笙歌簇馬吹鶯聲催曲急春色訝

集作送

歸遲不以聞街鼓華筵待月移

賞春惟逐勝大宅可曾歸不樂還逃席多狂慣袂衣歌

人踏月起語燕卷簾飛好婦

集作婦好

惟相妒倡樓不醉稀

戟門連日閉苦飲惜殘春開瑣通新客教姬屈醉人請

集作倩

歌牽白馬自舞蹈紅茵時輩皆相許平生不負身

新年高殿上始見有光輝玉鴈排方帶金鷲立仗衣酒深和碗賜馬疾打珂飛朝下人爭看香街意氣歸

遊市慵騎馬隨姬入坐車樓邊聽歌吹簾外市釵

集作見鶯

花樂眼從人鬧歸心畏日斜蒼頭來去報飲伴到倡家
小婦教鸚鵡頭邊喚醉醒犬嬌眠玉簟鷹掣撼金鈴碧
地攢花障紅泥待客亭雖然長按曲不飲不曾聽

同前

僧皎然

翠樓春酒蝦蟆陵長安少年皆共矜紛紛半醉綠槐道
蹀躞花驄驕不勝

渭城少年行

崔灝

洛陽二

集作三

月梨花飛秦地行人春憶歸揚鞭走馬城

南陌朝逢驛使秦川客驛使前日發章臺傳道長安春

早來棠梨宮中燕初至葡萄館裏花正開念此使人歸

更早三月便達長安道長安道上春可憐搖風蕩日曲

河邊萬戶樓臺臨渭水五陵花柳滿秦川秦川寒食盛

繁華遊子春來喜見花

集作不見花

鬪雞下杜塵初合走馬

章臺日半斜章臺帝城稱貴里青樓日晚歌鐘起貴里

豪家白馬驕五陵年少不相饒雙雙挾彈來金市兩兩

鳴鞭上渭橋渭城橋頭酒新熟金鞍白馬誰家宿可憐
錦瑟箏琵琶玉堂清酒就君集作家小婦春來不解羞
嬌歌一曲楊柳花

邯鄲少年行

高適

邯鄲城南遊俠子自矜生長邯鄲裏千場縱博家仍富
幾度報讐身不死宅中歌笑日紛紛門外車馬如雲屯

集作常
如雲

未知肝膽向誰是令人却憶平原君君不見今

人交態薄黃金用盡還疎索以茲感激

一作
歎

辭舊遊更

於時事無所求且與少年飲美酒往來射獵西山頭

同前 鄭錫

霞鞍金口騮
豹袖紫貂裘
家住叢臺下

集作近

門前漳水

流喚人呈楚舞
借客試吳鉤
見說秦兵至
甘心赴國讐



御定全唐詩卷二十四